

EWE OPPOSUN COVID-19 JOHNSON & JOHNSON (JANSSEN)

061221 CHUUKESSE

Ewe oppos Johnson & Johnson/Janssen (J&J) ina ew me nein kewe unungat opposun COVID-19 ra kawor ngeni mei mwukono non U.S. A kan iei usun pwun mei kan wor nap seni each oppos ar repwe fiu ngeni ewe chok ew usun semwen.

Meinisin oppos ra kawor ra och ne eppeti ewe watten semwen, no ngeni pioing me mano seni COVID-19. Meinisin ra pesepes seni kewe sou safei.

Inisum ewe epwene tongeni eppetuk 2 wiik mwurin chok ewe ewin oppos seni ewe opposun J&J.



Met e fori

Ewe oppos J&J ina ewe oppos viral vector. A wor ren ewe adenovirus ese efeiengaw (ew pwusin safei ren semwenin pwichikar), minne a uwei ew gene seni ewe spike protein seni ewe coronavirus. Ei a aiti inisum an epwe kuna me fiu ngeni ewe coronavirus a efisata COVID-19, usun chok kewe pwan ekkoch oppos ra mwumwuta (Pfizer me Moderna)

Met ese fori

- Ese ngonuk COVID-19 ika semwen pwichikar.
- Ese siwini om DNA ika genetic material
- Ese fori om kosapw tongeni nounou

Met e wor non ewe opposun Johnson & Johnson COVID-19?

Ewe oppos J&J a wor non ew sikkun adenovirus a sinei pworousen ewe coronavirus. A pwan wor non sikkun ingredients an epwe fori an ewe oppos epwe stable esapw ekkesiwin: son, suke, me pwan ekkoch sikkun organic.

Ewe oppos ese wor non sokuun, preservatives, latex, piik ika ekkoch minen man, fetal cells ika ewe coronavirus.

Ewe oppos J&J a kawor ngeni mei mwukono 18 ier etta

Fos ngeni noum tokter ika clinic ika pwun en mei pwopwo ika koup, mei wor met mei ngawengonuk, mei pin fis ngonuk sa ngawen fetanin chamw ika en mei akkangei safeen cha.

Memmefin mwurin ewe safei

Chommong aramas ra ekis mefi kewe memmef side effects mwurin ar oppos. lei ew sain an inisum a fori met ururun epwe fori: ouwetai eppetin ewe semwen. Ika mwo kewe mefi kewe memmef, ewe safei mei fori an angangen eppet ngonuk.

- Ikkei kewe memmef ren mor ika par ikewe ka oppos ia, metek mokur, monunu me/ika ekis mwichikar.
- Kei esissin napengeni repwe wesino mwurin chok fituw ran. Ika rese wes, kokori noum tokter ika clinic.



Ese kon fiffis, nge watte, osukosuk

Kewe mettoch mei ngaw ngonuk

Ese kon fiffis, nge ekkoch aramas mei ngaw ngenir ei opposun COVID-19. Re ura meinisin repwe uwiwit ekis mwurin ar oppos faniten repwe katon och ika mei ngaw ngenir ewe oppos. Ei atun utiwit a awora fansoun ren kewe chon safei repwe anisuk ika pwun e fis ngonuk mettoch.

Ewe semwen e kan pinei fetanin cha

Federal me state officials ra pesei sopweno ne aea ewe oppos Johnson & Johnson (J&J) mwurin ewe 10-ran e kouno fan ewe April, 2021. Kounon ewe safei faniten kewe sou safei repwe weweiti ochuw kewe nikinik mei fis ngeni ekkoch aramas ra osukosuk ren fetaningawen char mwurin ar angei ei oppos.

Ei watten efeiengaw ren pekin fetaningawen cha non kewe wa non tumwu, nuk ika peche fiti kukunun fetanin platelets (Ewe sokkun monun non cha e anisi inisum an esapw pwuno chamw). Itan thrombosis fiti thrombocytopenia syndrome, ika TTS. Ei condition ika monumon a unusen efeiengaw pwun sia tongeni mano ren, nge a pwan tongeni safei an esapw wor osukosukan. Fofforun safean mei sokono seni ekkoch sokkun fetaningawen cha.

TTS ese kon fiffis. Sou tipachem ra ouku pwun 7 me nein 1 million fefin mei oppos nefinen ier 18 ngeni 49 ra mefi ei. Ren fefin ier 50 etta me mwan ier ese pwan nifinifin, ese kon fiffis ngenir ei osukosuk, nge mei pin fis.

Sou tipachem kewe ra kae TTS non nour kewe patient kewe ra angei ei oppos Johnson & Johnson ra opwungano pwun ei safei Johnson & Johnson a watte namwotan ngeni aramas nap seni kewe efeiengaw. Kewe efeiengaw ren mano faniten fetaningawen cha seni ei semwen COVID-19 a kon watte efeiengawan nap seni an epwe fetaningaw cha seni ewe oppos.

Katon och ngeni kei esissin mei kon watte efeiengawan non unungat wiik mwurin om angei ewe oppos:

- watten metekin mokur ika metek mokur ese wes
- fatangaw non mesom
- watten metekin fanimwar ika nuk
- pwo ika metek peche
- weires ne ngasangas
- mecheres ne mwochon ika kukunun rasen cha non unuchen inisum me nukun ikewe ia ke oppos ian

Ika pwun e toruk kei esissin, kokori 911 ika no ngeni nenien emergency. Mei ouwchea kopwe urenir pwun ke angei ewe oppos Johnson & Johnson faniten epwe pwung ifan usun ar repwe safenuk.

Tuttumwun och

COVID-19 mei chiwen chew fetan non neniach kei iwe ese wor safei mei 100% manamanan. Ika mwo mwurin om angei ewe oppos, sopweno ne tonu poum, mesemes mesom non neni, afani nefinom me okukunu me amwocha mwicheich ika fiti kewe ra pin oppos.



Searchini "COVID-19" won an om ewe county website om kopwe fat ren pworousen neniom

